

江甯碑傳初輯



金和
蔣師轍
陳開弟
魏家驊
濮宗柏

盧峯
楊達棗
龔大興
孫啟泰
韓銓

翁長森
李錢
袁國興
金還
甘鉉

甯縣文獻委員會印行

江寧碑傳初輯序

同治末，莫祥芝甘紹盤纂「上江兩縣志」二十九卷。為江寧志書之殿。自光緒初以迄民國，吾邑人文之盛，冠冕東南。雖一二耆碩，有志述作，傳人書事，俱未成編。而民國十六年後，以城廂為市區，縣政府移至東山，復一度設實驗縣。縣市畫治，市縣之民則未嘗自別。三十六年五月，江寧縣始設文獻委員會，縣長黃君相忱，以前方長京市志館，聘請兼攝。於市，逐月有南京文獻之刊。將會中之所徵集，輯為「江寧碑傳」。刊不定期，具見凡例。初輯殊簡，所望邑人，時有增益，他日當重訂之。

盧前。三十七年四月

凡例

一 凡邑賢生仔近八十年中，歿於光緒朝以後者，其生平事跡，無論碑、傳、行述、哀啟、皆采錄。

一 不限於性別、職業、宗教。要以卓有成就，足示範於後人者，悉為表襮。

一 凡生長寧邑，或流寓，或游宦，有聞於時，有功德於民者，其行傳均應輯入。

一 積得相當篇數，即輯印成冊，暫不定期。

一 積十數輯，或數十輯，重新排次，訂為「江寧碑傳集」一書。

一 來稿請寄南京夫子廟泮宮一五五號本會。

江甯碑傳初輯

金和

金文學小傳

金亞匏詩序

盧峯

盧編修傳

盧太史雲谷先生小傳

先嚴行述

述編修公事

翁長森

翁明府傳

蔣師懺

無爲州知州蔣君傳

無爲州蔣公祠碑

無爲州知州蔣君墓誌銘

楊達采

楊文學傳

目錄

束九泰

馮煦

陳作霖

朱鈍宣

盧金策

盧前

陳作霖

馮煦

陳澹然

鄧嘉緝

陳作霖

一

目錄

李、錢

李州判傳

陳開第

陳明經傳

龔大興

龔副將傳

袁國興

袁明府傳

魏家驊

剛長居士自述

孫啓泰

孫叔平自述

金還

金君仍珠家傳

濮宗柏

濮友松先生哀啓

甘鉉

甘仲琴先生哀啓

韓銓

子衡八十自敘白話

右計十五人文二十一首

二

陳作霖

陳作霖

陳作霖

陳作霖

魏家驊

孫啓泰

金景榮

濮宗

甘旁

子衡

金文學小傳

東允泰

予既爲蔣君紫園家僮。並刻其詩若干首。既又刻金君亞洵秋煉吟館詩。蓋予因蔡君得交金君。申以婚姻之好。三人者朝夕見。交相善也。金君放情詩酒。跌宕自喜。近於狂。蔡君束脩自好。近於狷。予碌碌無所短長。不敢望兩君萬一。而兩君顧不棄予。蔡君甫補官而沒。金君不得志。亦潦倒而亡。今獨余存耳。後死之責。予不敢忘。於是又爲金君傳。案君諱和。字以叔。亞洵其別字也。行三。亦上元人。增生。父某。早卒。母教之嚴。君遂能自立。以學行聞於時。尤長詩古文辭。操筆立成。不加點。時藝才氣壯盛。不拘拘一格。長篇滔滔千餘言。短或寥寥三數百言。終不求合程式。用是擯斥終其身。好聲色。押妓縱酒。一飲輒數斗。同坐不能飲者。百端說之必盡醉乃已。癸丑江寧失守。陷於賊。衣短後衣。與賊兵時滿飲。醉則雜臥酒甕間相爾汝。因此頗深悉賊情。久之遂與結納謀內應。諸生張繼庚者。其妻從弟也。亦陷賊中。與君合謀。君既與賊稔。出入城關無所問。時同忠武駐兵城外。邊賊鋒。軍容甚盛。君才身叩營門。以情告。未諸。遽慨然請以身質。時君家猶在賊中也。使人潛與繼庚約。從之者頗衆。旣定期。官兵不至。再約又不至。賊遂知備。城陷。樹竹木爲柵。其黨斬關不能出。爭上城殺賊。賊大至殲焉。君以爲質得脫。君妻亦棄其女。攜姪女潛出城。往依外家於全樹。時蔡君在丹陽糧臺。糧臺委員某。因蔡君求爲二子師。君應聘至丹陽糧臺。網辦觀察高公雅重君。留逾月。及之館。某不能忍君所學。有違言。君遂辭去。常陸公建瀛之總制兩江也。嘗延君課其子鍾江讀。鍾江時宦粵。聞君耗。遣使來迎。君挈眷至廣南。已而鍾江卒於官。適聞道某公京師來。用蔡君薦。禮君爲上客。幕中事一以畀之。至則皆立辦。兵淵錢穀洋務。不學而能。江南平。攜家以歸。出梁中令繼博。在粵時。館穀豐腆。至是揮霍殆盡。復出遊希所遇。予方字鎮海返之來。趣自定詩文稿。成檇陵女兒行一篇。唐觀察景星自

滬具函來招君。觀察粵人。知君才。時辦招商局。欲倚以集事也。自是留海上者有年。至乙酉秋而沒。次子還。舉於鄉。君及見其報捷云。子三。長遣。廩生。妾汪出。優於才而不事生產。有父風。次還。爲予女夫。嫡張出。會試挑取謄錄。以知縣用。三閨通。妾鍾出。幼聰穎。鍾教之讀。甫五齡。能背誦唐人小詩。一夕病忽仰首曰。舉頭望明月。低頭思故鄉。君訝其不祥。未幾果夭。君在榻瘞時。一日過蔡君求友。蔡君曰。此間惟東某可交耳。自是與予密。略如蔡君。蔡君沒。君爲序其詩。反覆太息於蔡君之窮。慨其文之不傳於後。而僅有此詩。今君宿早已久。舍此亦無以見君矣。則君之太息不平於地下者。又當何如。而謂予能已於言乎。噫。光緒乙未仲秋丹陽東允泰

金亞匏詩序

馮煦

予年十五。從寶應喬筼巢先生學爲賦。先生手惜陰書院賦鈔一冊授予。其間作者。若蔡子滿琳。周湘帆。壽昌。楊柳門後。周還之葆濂。馬鶴船壽齡。姚西農必成。並一時之雋。而尤以金亞匏先生和爲最。安帖排慕。隱秀雄奇。融漢魏六朝三唐於一冶。東南人士。莫之或先。予之知先生始此也。時緒寇方熾。先生支離嶺南。半菽不飽。出沒豺虎之叢。獨絃哀歌。不獲一牽手。其後十許年。予來江寧。讀書惜陰書院。與劉子恭出。唐子端市。秦子伯虞。朱子子期。亦以辭賦相角逐。如先生義者。與蔡馬楊周同。而所作下先生遠甚。一日。遇先生桑扈師座上。先生年垂六十。意氣逾上。如三四十人。抵掌談天下事。聲訕訕如鉅鑿。得失利病。珠貫爛照。不蒙髮恙志。鵠呵侯卿。有不稱意者。涕唾之若腥腐。聞者舌橋不得下。先生夷如也。先生出。師顧予曰。亞匏振奇人也。抱負卓犖。足以濟一世之變。而才與命妨。連蹇不偶。嘗從東諸侯游矣。亦無負知亞匏者。足以盡其所蘊。世自失亞匏耳。於亞匏何有哉。予心識之。既先生中子還仍珠。復從予游。予乃以得於先生者授之。仍珠亦日有聲。乙酉桑扈師棄諸生。

未幾。先生亦旅沒滬上。科舉既廢。辭賦遂同芻狗。劉唐諸子。並爲異物。講舍且易爲圖書館矣。每念先生與蔡馬楊周跌宕文史。放浪山澤。已如韻藻合雜諸紀。若滅若沒。罕有能道其端委者。又獨聚散存沒之故。足深人遐慕也耶。今年春。仍珠始以先生詩二冊。附以詞及古文。乞予校定。先生詩妥帖排纂。隱秀雄奇。猶之其賦也。詞若雜文。亦能據其中之所得。不同於凡近。獨予意亂。卽知先生。而遲之六十年。乃得卒業是編。距與先生執手時又一世矣。世運相禪。陵夷谷壘。先生既前卒。不見桑海之變。而予頽爾窮海。顧景無儔。於過去千劫太平三世。皆一一躬了之。今日不知所終極。讀先生是編。忽不禁其萬感之橫集也。甲寅立冬前一日金壇馮煦

盧編修傳

陳作霖

君盧氏。諱峯。字雲谷。江甯人。幼慧能詩賦。尤工制藝。年十六。補諸生。面瘦削肩微偻。賦性冷峭。睥睨一切。時人皆以爲狂。咸豐中。辟浙江。同治初。出參淮軍營務。保五品翎頂。江南平。歸試食廩。俄充拔貢生。旋舉丁卯科鄉試。丁父憂服闋。成卒未科進士。致庶吉士。散館授編修。山東東平州牧聘修志乘。兼龍山書院主講。事竣。入都供職。光緒五年。拜督學雲南之命。雲南俗雜蠻夷。應試者率多鄙獷。乃飭教官。督與月課。焚武考槍拾箭枝。任滿三年。得人爲盛。旋乞養歸。主講經書院。君未第時肄業地也。夙爲薛桑根師都講。十年之間。卽嗣是席。同輩榮之。未幾卒。著有石壽山房文賦稿。論曰。時文一道。雖云小技。吾鄉工此者。劉雨生汝霖。陳耘芬兆熙。丁得之自求。皆其軀宿也。君則兼諸子之長。而加之以凝鍊。其氣玉。其味厚。其調高。宜乎無試不利。而終入清華之選也夫。

盧太史雲谷先生小傳

朱鍾章

先生諱峯。字雲谷。丹徒人。考江甯籍。道光己酉。背廩邑庠生。同治乙丑。宜振歲科兩試食餼。丁卯

補行辛酉鮑源深科考拔萃。旋領鄉薦。辛未禮闈。廷試朝考俱入選。留館供職。光緒己卯。簡放雲南學政。乞假歸。掌教尊經。前爲士而後校士也。先生負雋才。長益嗜學。爲文高視闊步。一如爲人。湘鄉相國。興復書院。列前茅者。如劉汝霖姚兆麟秦際唐甘元煥亦名噪一時。而閣中肆外。天骨開張。魄力沈雄。取材富有。究似有未逮也。有石壽山房在。可詠也。予與先生交疏。而今情虎臣王君。詢先生往事於予。予與王君居相近。時相見。義不獲辭。而既未深知。則何由詳述。竊思知人論世。不必在著之耳目。要宜於獨行之表揚。先生任使者時。同鄉先達某公。以知府提調。賀然勾勾滅免棚規。先生曰。某可不受。但未能爲後來人作怨府也。而還其文版。滇省文風不振。富勢每投金當道。冀博一杓。不爲怪。先生乃雷厲風行。誡諭禁止。士習漸端。此皆有開風化。聞之在學幕中者。特爲彰之。亦春秋微而顯之意也。至生平事實。國史邑志家乘。當有載之者不贅。

先嚴行述

盧金策

先嚴雲谷公。天性孝友。爲人寬和明敏。幼讀書。過目成誦。先大父絕愛器之。而督責愈至。先嚴下帷攻苦。泛覽過於夙學。尤工舉業。初爲文。卽卓然成家。年十六。入邑庠。及粵寇陷金陵。先嚴奉親辟亂海寧州。以胞叔侍先大父母。而自就戎幕。精博將儲資。非素志也。庚申胞叔少堂公。在福山軍戰沒。先嚴聞信。悲痛不敢以聞於先大父母。逾月。淮軍報捷。蒙合肥相國李公。四川總督劉公。先後保至花翎直隸州知州。仍不敢以功名小就。可博親歡。遽以福山凶耗聞也。曾先大父母寓書召先嚴歸。乃不得已辭戎幕。歸奉晨昏。親釋先大父母痛。甲子。先會祖妣棄養。先嚴經營喪葬。一切裕如深恐露支絀狀。貽堂上憂。是時金陵初復。賊氛漸平。先大父以先嚴學有根柢。乃督理舊業。試制冠曹輩。遂於丙寅年。宜宗師於臨。介倚於學。建業鍾山僧經持陰雲院。先移爲山長李小湘周錫雲薛慰愚三先生所賞。著

有石壽山房集行世。丁卯歲。補行拔萃科。又爲鮑宗師所拔。時先大父舊疾。時瘡時發。綿延數月。迨秋闈後。溘然棄世。先嚴哀毀愈常。比揭曉。卒領鄉薦。辛未起服。成進士。朝考一等。殿試二甲。改翰林庶吉士。甲戌散館授編修。武英殿纂修。國史館協修。丙子山東東平州左恩兩刺史先後聘主龍山講席。修志書告成。入都供職。己卯奉命督學滇南。其地蠻夷雜處。應試者半戴斗笠。先嚴整頓學校。減供給。裁夫馬。飭教官。督率月課。禁武考搶拾箭枝。興利除弊。士林翕服。所特賞者爲貴州學政陳營昌。檢討謝崇基。即用知縣王人文湯曜。其餘登高第者甚衆。報滿後。請假省親。以先大母春秋高。因告養家居。乙酉官太保曾公延主講尊經惜陰書院。每閱卷。或終夜不寐。勸勤焉惟恐自失。蓋以教授鄉里。有難於三先生者。故嚴絕請託。去取一秉至公。積久乃共諒苦心焉。先嚴課士之餘。板輿奉養。林下優游。遂有終焉之志。迨先大母棄養。先嚴哀痛之誠。彌不能已。病根之伏。有由來矣。服闕。將入都。皆爲舊疾所擾。遂不果。今年四月間。潮溼疾發。正氣日虧。延至八月九日。棄不孝而長逝矣。嗚乎痛哉。

述編修公事

盧前

石壽山房者。在臈府老宅之繼嗣。先曾祖王考雲谷公讀書處也。公年十四。偕弟昭忠公應童子試。前夕殮不得油。取燈盞餘灑餉之。及試。先高祖王考負昭忠公背上。一手牽公衣。主試疑其幼面試。得卷即拔置前列。洪鳴亂作。公去佐戎幕。事定始歸。以辛未舉於鄉。聯捷成進士。二甲第二名。入翰林。時姚張太君尚健在。一日晨興。鵲噪於庭。喜曰。使六郎功名成就。鵲當三呼。果三呼而報至矣。是皆前童子時聞諸梁太淑人者。太淑人又嘗爲言。公在京師日。嘗扶轡有東風從此歸雲漢語。其後果拜雲南學政命。期滿北歸不再出。繼薛桑根先生後。爲尊經書院山長。歿於明倫堂。其在雲南有馬紳者子。數與

試不第。欲賄公以金。不受。是場以非敢後也。馬不進也爲題。馬大慙。至今滇之人猶有能道其事者。公夙儉樸。衣履之御。不尚華靡。居鄉里。會旦望某。張慶賀廳事中。衆一時翹首。公至遽入。候補道歐陽氏見頂戴以爲縣令耳。趣前叩姓名。公具對。又問何邑。曰某沐天恩。使督學滇中。始歸也。其教素如此。前往肄業南雍。興化李審言先生指前顧長洲吳先生曰。此廬先生裔也。詳少時骨及見先生。前每過繼嗣。肅公遺像。慨修名之未立。恐遺書之就澹。行年三十。百無一成。世變日亟。念李先生言。益不勝堂構之懼已。共和之二十二年秋十月會孫前敬記於河南大學。

翁明府傳

陳作霖

君翁姓。諱長森。字鐵梅。江壽人。秀水知縣子謙先生之子也。生十齡而孤。母夫人督課嚴。性警敏嗜讀。稍長學制義于侯杏樓拔萃。學詩賦于龔謙夫簽判。學古文于汪梅村助教。既補諸生。屢試不售。乃援例爲知縣。分省浙江。初試安吉。蒞任時。訟牒盈尺。排日研訊。遇兩造皆在。輒判結之。每因事至鄉。卽就田間裁斷。不及半歲。刑獄一清。繼攝臨海。地險多盜。前令皆以嚴治。君慨然曰。天下豈有以殺戮爲政。惟當厚民生。以清盜源耳。會大府檄合屬治麥田。遂大興板築。期年工竣。田增于舊。無業者有地可耕。劫奪之風以息。又山產樟樹。土人多伐爲薪。君嘗游台灣。知有樟樹之利。因召廈門工師試製。效頗著。既設縣局專辦。並請上官通飭產樟之區。皆仿行之爲浙東開一大利。由君創始之功也。旋補雲和。土瘠民貧。久失教養。於是購地爲農事試驗場。導民種棉。建課農別墅。刊印農業彙要。頒布四鄉。又造津寄藏書樓。置書萬卷。俾諸生得以借讀焉。以積勞保升知府。鹽運使銜。母憂服闋回省。值南海王錫彤教案起。四月之間。三易縣令。迄不得要領。君奉委署理。廉得事實。擇要嚴整。波及者省釋。不一月而事結。中外帖服。復攝鎮海奉化。調任新城。時新政初頒。調劑極重。咸得其宜。

竭盡心力。而疾作矣。宣統二年九月乞病歸。閱四年而卒。年五十有八。君少幼于學。儲蓄極富。尤留意鄉邦掌故。旁搜博采。輯爲金陵叢書。遭亂力不能刊。同里蔣生蘇龍有同志。舉以畀之。今已莫然成帙云。

陳作霖曰。予與君交最久。居又至近。同治光緒之父。校讎古籍。接拾遺文。幾乎無日不見。及君宦浙。如關者十餘年。猶時時以書相餉。辛癸乞歸以後。甘劍侯。秦伯侯。顧石公輩。皆物故。吾兩人雖互爲慰藉。如窮魚煦沫。已不勝零落山邱之感。而孰意海上遽客。千里辟地。誓黃泉而不返哉。禪靈橋畔。故宅尙存。過之者能不黯然。

安徽無為州知州蔣君傳

馮煦

君諱師轍。字紹山。晚號遯庵。上元人。曾祖某。祖某潛德不耀。父永齡。山東霑化知縣。有循績。君幼奇慧。讀書日五行下。爲文援筆立就。試輒冠其曹。洞天下得失利病之故。恥爲無用。數不得志於有司。泊如也。父晚講風疾。君扶掖左右。數年不宿於內。兄師猷亦負雋才。乙亥舉於鄉。與君齊名。世稱江東二蔣。兄早卒。君以父在養。戚不以面。爲哭兄詩。其詞絕痛。同治癸酉選拔貢生。光緒辛卯順天鄉試副榜。就職州同知。遷知州之安徽。凡知壽、鳳陽、桐城、三州縣。所至有聲。授無爲知州。到官甫七月。以死勤事。事下史館。於是天下無識不識。皆知君爲循吏矣。於壽則罷團防。於鳳陽則裁驛費。於桐城則減差徭。民並得無擾。無爲民朴。號易治。君之上官也。重門洞開。力祛弊數。若佐貳之受詞。吏胥之點簽。差小之買票。既一一絕其萌矣。其勘案也。減輿從。罷供張。其鞠獄也。省羈累。慎刑責。日坐堂皇。常至丙夜。飢不暇食。勞不暇休。民得蘇息。而君則瘁矣。既卒官民罷市三日。哭拜於庭者無算。喪歸走送者越數百里。復建祠樹碑以頌之。既無爲民情之厚。然君之得此於民者。豈無

自哉。君志節儼然。尤嚴義利之辨。修髯廣額。聲貌觥如巨壺。聽人廣坐。縱論天下事。若當世士大夫意所不可。譏呵之若肺腑。亟勤果撫卷。邵友濂撫臺。並賓禮君。君默揣志不得行。則拂衣徑去。不可以虛拘。遇窮巷草布之士。脩一行。屬一文。則稱之不吝口。蓋坦懷樂善然也。予交君垂四十年。又與其兄師軾爲乙生同歲生。出守鳳陽。敦君爲助。其匡救彌縫予者甚至。君治壽。治鳳陽。皆與予俱熟。君治行。將見之於予文孤。汝正又數以爲請。忽忽垂盡。始得屬草。距君之沒。且再終星。乾坤既毀。萬象都非。生平直諫多聞之友如君比者。亦零落略盡。於戲。尙忍言哉。君於書無不覩。熟於輿地及許氏之學。尤善詩歌。所著有江蘇水利全案五十二卷。江蘇水利圖說一卷。江蘇海塘新志八卷。山東臨朐縣志十六卷。河南鹿邑縣志二十卷。鳳陽府志沿革表一卷。藝文志一卷。臺游日記四卷。山東海防八議一卷。治河策一卷。然犀錄二卷。說文本義韻譜五卷。班書古字考十二卷。范曄飲餽四卷。幼瞻先生年譜一卷。青溪詩存十二卷。青溪辭存一卷。青溪文錄。青溪詩話。青溪雜記。遯庵日記。遯庵尺牘。各若干卷。並藏於家。君生道光丁未十二月二十一日。卒光緒甲辰三月二十七日。年五十有八。妻劉氏。子汝中。後出兄師軾。汝正並能世君志學。

馮煦曰。州縣者。親民之官也。乃今之州縣。適以虐民。一催科也。一聽訟也。皆有所覩以爲緩急重輕。甚則下與奸胥猾隸比。民無所逃死。而天下之禍烈矣。君獨異於今州縣之所爲。知有民不知有身。其勤勤款款。日深入於民之窮瘼。而代爲之謀。必得當而後即安。至以身殉民而不恤。故民之喪君也。若喪其私親。予嘗欲懸君治行。爲今之州縣者鵠。冀少紓天下之禍。而君不幸死矣。然則君所治。雖四州縣。其所繫於天下者。不綦重哉。

無為州蔣公祠碑

陳澹然

皇帝光緒三十有二年春。給事中吳煦奏言。故安徽知無爲州。上元蔣帥轍。惠政澤民。用祠祀。請勅撫臣最嚴讀播之史官。令官司時歲祀。川彰以死殉民之烈。詔下。安徽巡撫誠勳。布政使馮煦。斂實以陳。於是桐城鄉民陳潛然方至皖。聞而喜曰。賢哉蔣公。得此可昭著萬世。而無憾矣。迺亟索其家。讀其書著。其學行才志。大者靡諸無爲公祠之碑。特本歐陽孫泰山例。大書其號曰。遯庵先生。嚴而立之天下。先生之志。其大者憂中國外患之深。言治者。大率張皇補苴。章或知其本。本之大。莫如土地。而水輒陷之。故天下知水之害。而莫知其利。水利亡。而衣食絀。訟盜淫靡。釀爲人心風俗之變。外患將不知所極。故所著江蘇水利海塘圖書都六十一卷。與山東防海治河諸策。類無不慎扶其綱維。下逮臨朐鹿邑二縣志三十六卷。大之山川人物。細之風俗物產之微。類無不探其幽元。而隱寓拳拳振拔之義。其論臨朐風俗散者。則謂士大夫當挽救無形。此豈操切拘墟所可窺其萬一者。卒乃飄泊一官。蹉跎吾皖。所治壽州、鳳陽、桐城、多者乃不及歲。今無爲則又七月而亡。然民無不痛哭悲哀。若喪父母。至乃一州數百里罷市三日。比戶張白燈。懸素綯。遼則位村社。麻衣布履入城痛哭。致厥哀。川督劉公。且命家人張燈素綯。喪歸白衣冠送者數萬人。聚哭於江濱。連檣百數十里乃還。爭爲聯詞歌謠。刊巨帙。製隨淚碑。祠米南宮側。永其懷。蓋自國朝三百年。蜀人悲賸文忠外。未有如先生者。自民教之爭。牧令袒教抑民。民憤益亂。故拳寇之起。戰爭乃震。環球亂定。賠款日增。而牧令益棘。先生之履無爲也。民教訟作。則一斷以平。而達其詳於主教。主教敬其行莫敢誰何。初卒壯賠款之興。皖且歲百萬。羣議枵諸民。先生方宰鳳陽。瘠甚。獨抗言帥府曰。民苦凋瘵。久已取諸公。曷若取諸官。大吏疑其言。則快快累日。指令下。擇市人殷謹任之。法捐徵銀兩。增緡錢二百。先生則哀農氓減其半。瑣而乖政體者自任

之。捐集而民不擾。他牧令納民錢。以銀納庫。先生則一任市價。絕纖私。大府歎之。檄爲行省法。桐城舉人吳原瀨曰。先生之聽訟也。溫顏肅坐。任兩造極言。徐出片語扶其臬。點者悚然。或狡甚。呼杖撻之。而後其自返。不輕捕一人。或問之。數曰。彼皆鄰里。扑則終身大恥。訟圖且無窮耳。桐故健訟。遇瑩地尤黠。先生必據契譜。辨昭穆。爲圖繪乃已。命盜則減胥徒。絕冤累。纖悉必嚴。或聽斷久苦飢。家人勸之食。則數曰。吾豈不愛身哉。一獄未清。退則胥役必索酒食資。訟師且因爲奸利。將益苦吾民耳。桐糾怒請託不得。則謗之大府。謂恆屈富貴人。先生數曰。世飲泣莫訴者貧賤。且折良懦以交富貴。吾忍出此哉。吾惟一以平耳。故在壽。在桐皆扼於紳以去。小民流涕褐之。在壽蝗不入境。在鳳蝗且作獨。率吏民步烈暑。纓冠服不休。鄰蝗而鳳不爲災。及至無爲。盛雨督民堤。徒行泥淖中不輟。兩極則手疏禱城隍。請以死代。天乃大和。故其病也。日危坐。喃喃審判狀。威嚴若堂皇。醫至則覆其手曰。若幸教吾民慎自愛。慮吾良懦。吾且不汝貸交。醫出數曰。公疾若此。獨哀苦吾民。則相率手疏禱城隍。乞減年代死。既沒。或見賀爲州城隍云。嗟乎。鬼神之說。蝗雨不災。皆新學家不道。然中西皆主上帝。既曰上帝。安能無神祇。苟有神祇。安能無感格摩耶。絕淫祀。社福田。豈謂夢賈豪傑之嘆焉。泚滅鬼神者。幹天地。質萬物。至誠所積。心卽鬼神。留獨經傳反風體物之爲足據哉。方先生之謝壽移鳳也。或請以瘠辭。則笑曰。仕以行道。利則兩賈所爲。或以虧道告。則笑曰。吾飽憂患惡衣食數十年。今所用不民則國虧。數明社亂吾意耳。卒不顧去。鳳方建壩捍淮。款緹挹詣桐無難色。至無爲。革漕費金逾萬。既沒。遺金萬。而實不知。而吾所數爲不可殫及者。則尤在去桐逸重囚一事。故事囚逸。例奪官。官輒逆期稱公用。賂典史。以承吏故金陵人。諱自承脫其危。先生謝曰。僞而有祿。曷若城以去官。吾實未出。而詭出。以欺長官。是欺君上也。吾生無欺人語。老乃墮此節哉。卒以實達長官。越日。竟得囚無恙。故嘗綜其大節。實始臨胸。左右病父凡六年。不忍一違其側。精誠既結。恩養既深。

。而又奔走飢寒。飽更憂患。故能守經達權。剛柔允協。嗚呼。此殆古託孤寄命者歟。獨奈何始困風塵。終沈科舉。至乃降心嚮志。舍其身。以求當吾民。而卒際佗死。上者見吾民哀痛慘切。然後震而奇之。而卒莫肯發其書。一窺其蘊抱。吾嘉先生久。不獲見。羅運經曰。先生偉軀幹。聲如洪鐘。動靜必禮。見邪惡則鬚眉怒張。而賢則親如子弟。蓋乃昌泰所稱落落天地者。惜哉。惜者。沒年五十有八。光緒三十年甲辰春三月二十四日起。上元縣拔貢生。中順天副榜。以知州終。

安徽無為州知州蔣君墓誌銘

鄧嘉祥

君諱師黠。字紹山。先世居深陽。至高祖嘉樹始遷上元。考諱永齡。山東霑化縣知縣。有循績。霑化君居官廉。身後猶負官逋。君營養償責。南北奔馳。偃蹇不遇。而聲譽益廣。乙同治癸酉選貢舉。光緒辛卯順天鄉試副榜。至戊戌始援例爲安徽和州。年逾五十矣。大吏夙諗君名。咸禮下之。二十五年。檄權壽州。文明年移鳳陽。二十八年調桐城。二十九年真授無爲州知州。在官未滿五年。四易其任。所至一切務除弊。於壽州。值拳匪亂畿輔。聯軍犯順。大吏檄辦民團以防亂。辦團必斂民財。而團丁多游手。遣散則無所歸。君以民情安堵。持不行。民免於擾。亦無後患。於鳳陽。裁驛舍圍牆馬棚之費。儲款以備修葺。建棚以房馬。自出私財。永禁灑派。和議賠款。各省辦派民捐。君擇市廛殷實者。量力輸助。而傾囊以足之。民得不困。於桐城。革車頭之弊。贖餉道桐。以手車挽送。歲七十餘次。立車頭任其役。車頭責諸民。浮濫無藝。君斥去車頭不用。使村保輪應。餉至縣牌遞送。竟歲苛派悉絕。省費十七八。於無爲。民樸愿。號易治。官吏陷藉而魚肉之。君至。悉寧蠢孔。日勤聽斷。重門洞開。訟入卽訣。無事壅蔽。民樂歸訴。承佐之庭闈如。斂手不得勒索。訟有拘集。差役賂圍者入已名。而取盈於良懦。謂之買票。君視勤惰注牒。延宕詐索。技無所施。獄皆咥舌自失。丁漕吏胥主之。易其人則競進陋規。謂之

簞點。賄入。而賞災民欠。不可究詰。徒蝕正供。下戶益滋浮費。君嚴杜苞苴。吏嚙罔敢飾災欠。是歲奏銷如額。君斷獄罕留滯。民免羈候。每赴鄉。禁供張需索。遇命案親率仵作按驗。鄰右證明。卽遣去。它無株連。往往當場訊結。兩造不費錙銖。輿從簡約。寒暑風雨。雖凍餒不自恤。卒以此致疾不起。在無爲凡七閱月。民爲巷哭。罷市建祠。樹碑。喪歸窆送至數百里。論者咸詫爲異。余謂無異也。夫人陷水火拯而濟之。一引手之勢。固已出生死矣。而拯者旋以顛隕。有不號泣而感慕者。豈情也哉。君旣卒之明年。大吏徇民請。最君事蹟。聞於朝。詔史館立傳於是君勤民之績。迺益著。而天下爭重循吏矣。君有至性。篤於倫紀。繁化君晚患風痺。昏聩或失常度。君匡救將順。未嘗忤其意。扶掖起動。晝夜在側。數年不歸內寢。兄幼瞻之喪。懼重親憂。外無戚容。而淚濡枕席。執友羅雨田亡。悼數彌月。哭幼瞻雨田之詩。語皆絕痛。至不可讀。君學涉多通。譚著凡十餘種。尤長於水利。君旣以循良稱。未足以是概君也。余辱君知三十餘年。同試京師。聚處且半歲。君修臨胸縣志。約余分纂。館君猶八月。深語多窮日夜。君每日士習飭戒。久護諸病。吾輩立身。自具本末。至於任事。無間出處。皆宜樸實耐勞。庶幾內省不疚。嗚呼。君可謂克踐其言已。以光緒三十年三月二十七日卒。年五十有八。子汝中。安徽候補通判。出爲兄幼瞻後。次汝正。舉人。法部主事。將以宣統元年十一月二十七日。葬君於南鄉太白二岡陽山之原實。來乞銘。余與君。至愛也。離合久暫。必相念也。誼不得辭。然君豈以余文重哉。乃詳序其治績。而銘之曰。

勤民以死。民痛誰嗣。何促其期。而侈其惠。虎暴狼貪。赫赫胥隸。孰馴擾之。使無搏噬。湯火斯離。衽席可冀。我生市樂。我君遽逝。萬夫難贈。四民永寒。哭送喪舟。聲滿江濤。祠治迎神。碑傷墮淚。遺櫬過歸。佳城長陌。宰樹丸丸。式此良吏。